

Фестиваль шяраву

Ппухълуннал аьдатру дуручлай

(Дайдихьу 2-мур лаж.)

БивкІсса муси-чала гьайрду, цинявпагу сант диригну ххарину бия ми ялун личин дан бюхъаврия. Фестиваль тІитІлатІсс ва ялун нанисса Аьрасатнал кьинилушала цинявпагу бавтІуми барча бувна Ккуллал районналул бакІчинал заместитель Анатолий Давдиевлул.

Ча увкунна цинявнанвагу хьхьичІра-хьхьичІ цІуллушиву, талихІ, тирхханну. Аьрасатнал пахру бан лайкьсса виртталну кьущу буллан ка бакьаву. Хьирив мажлисал тамядану ивтуна шяраваллил хьунилриннал председатель Эфендиев Махаммад. Тамяданал увкусса кушцуй, цинявпагу саргьунну бавчуна, жалин дуцин. Гьарца кьущу бавугу дия цимирагу шинал хьхьичІарасса аьдатру ашкара дуллалисса.

Наврузбаг лавххуну ия бурчул усру, кьабалай кьутІа кьяпа, жалин дуцигу бавчуна цІувцІу чарил давлатлутурал кьатрачІан! Жалинналул лаххия дия цимирагу шинал хьхьичІавасса замана дакІнин бутлагисса.

Жалин буккан баннин бувуна сеухват, чиллу чухьравусса, лялх ххаржантру дархІусса вирттарал кьущк бия хьхьичІавасса-буттахьал зумунусса!

Жалин буккайхубивчуна ялтту качар, цурдагу жиланналул симан кІучІ дурну най бия, манзил бивтукун миннал хьхьичІ бивчуна кьувтІи, бивчунан буллауна ккурбати-бакьухьгу. Ялу бавхьусса кІарттул ччатІ, жалин гьалмагьай-хьаннин биявайкун бувкуна хьхьичІун навруз багнал ляхьин. Бивчуна хьхьичІун бартбисурду, дагьантушала бувкунна хьхьичІун хьуначу, мукуна цама хьуначунахь бия кьуранналул лу. ГьоргутІи бувну балай тІий бия хъами-душру: «Кьабухханна тІий бацІу гьалмагьайл тавхханттувун, гьалмагьайл хьунна бава хьхьичІун



кьадурккуссаксса.

Дурккуна гьалмагьайл хьунна бавагу ницІал хьун кІичІулушала хьхьичІун зумув дихьлай гьарцаннал ницІал кьусри!

Жалингу тавханттувун даркьуну, бавчуна жямат ялагу, гания махьсса заманай, жалин балчанну дуцайсса аьдатру ашкара дуруна!

Хьирив, уттизаманнул журалий жалин чІюлу бувсса машиналуву дурцун бучІайсса хьатІигу ккаккан бувна хьирив.

Гьарца хьатІува архІалчу ва мунал кулпат най бия бакІрай бакьукьул аьнттушала, архІалчунахьгу бия качарданул кІичІу.

Ясаутал бия низам цІакь дуллай, мархьру шун буллай.

Хьирив кьуру бувна уздансса хьхьичІарасса дукрардал мажлис.

Яла-яла цинявнаннахІу бивзуна наврузбагнан жалинналучІан авкьуний бувайсса шайини.

Фестиваль тІайла дурккуна тамашалий бавтІу миннал ххариши вутяхьа шиву дуллай лавайсса дара жалий.

Ингушетиянал хьамалу душарал увкунна хьинну ххаллилсса балайрду, дуруна кьавтІавуртту!

ХІурмат бусса ми хьамаллуран дуллауна ХІурматрал грамотарду районналул магьирлугьрал хьунмур Марина Ибрагьимовал ва районналул бакІчинал заместитель Анатолий Давдиевлул.

Районналул администрациялул чулуха барчаллагь баян бувуна ва шадлугьрал даражалийсса фестиваль сакин дуллай захІмат-хІарачат бувсса ЧІяйнал шяраваллил администрациялул бакІчи Билалов Махаммадан, шяраваллил магьирлугьрал директор Алхасова СалихІатлун ва щалагу ЧІяйнал жяматран ва цинявпагу хьамаллуран.

А.Аьбдуллаев

Редакциялул адрес
368390, Республика Дагестан
Ккуллал район, ш.Ваччи

Издательнал адрес:
Республика Дагестан
Ккуллал район, ш.Ваччи

Газета регистрировать бувсар
Республикалийсса связьрал, информаци-
онный технологиялул ва чІаву-
чинсса коммуникациялул Федера-
льный кьуллугьрал Управления-
лул 26 мартрал 2019ш. Регистра-
циялул номер ПИ.№ТУ05-00424 от
30.04.2019г.

Хьунама
редактор
А.И. Кьянчиев

Газета бавтІуссар «ЧаннаЦуку»
газетрал редакциялул компьютердай,
бивцуссар ГАУРД «Издательский дом
«ДАГЕСТАН». Типографиялул адрес:
367018. МахІачкьала, пр.
Насрутдинова 61,

Буккайссар иножмардий пал,
12+ Индекс: 51317
тираж 550 экз. Газета итабакьин
кьулбас дайсса чІун 17.00,
кьулбас дурсса чІун 16.00
gazetazvezda0@mail.ru



ЧАННАЦУКУ

«ЗВЕЗДА»

17 июнь
2022 ш
нюжмар

№ 23 (6806)


12+

Газета буклаккиссар
1951-ку шинал
ноябрьдания шинмай

Учредитель: МКУ «Кулал муниципал районналул администрация» РД
МКУ «Администрация Кулинского муниципального района» РД

19-нний июнналул-медициналул зузалтрал кьини.

Яла аьркинмий ва бусравми



Жула оьрмулуну ца яла аьркинмур пиша хьанай бур медициналул зузалал пиша.

Минначан жува хьирив буклан биклару жува тлаан бакьасса члумал, бала-апатл ялун бивсса члумал, ягу чурххай хлал бакьа хьанакьисса члумал. Медицина хьанай дур ца аьркинмур касму-сянат. Медицина дакьахьурча оьрму хьхьичлунмай хьанай бакьар, инсангу уруччин бюхьлай бакьар. Мунихтуну медициналул зузалтрал бихьлахьисса бусравсса захлматран лайкьсса кымат бишаврин дуняллул халкьуннал дянивгу ккаккан дурну дур мудан клицл лагавансса медициналул зузалал кьини. Мунил хьхьичлва-хьхьичлсса сиптаци хьуну бур ООН. Цалгу 1971-ку шинал хлукму бувсса Медиктурал кьини клицл лагансса.

Жула билаятрай тлурча 1980-ку шинал «Медициналул зузалтрал кьини» клицл лагангу ккаккан бувссар СССР-данул Верховный Советрал Президиумрал 1980-ку шинал октябрданул 1-нний цлакуну кьамул бувсса хлукмулийн бувну. 1981-ку шинал тлурча билаятрай байбивхьуссар шадлугьрал собраниярду дулла, барча бавуртту, концертру ккаккан даву дулла.

Аьдатравун дагьну дур ва ва медициналул зузалтрал кьини клицл лагалиний давриву хьхьичлунсса захлмат бувсса зузалтран хлурматрайсса царду дулаву. Аьрасатнал Федерациялий мукун хьхьичлун ливчунан дулай «Аьрасатнал Федерациялул лайкь хьусса хлакин» тлссса ягу «АьФ-лул здравоохранениялул лайкь хьусса зузала» тлссса хлурматрайсса царду дулаву. Мукуннасса царду дулаву жулла республикалул лагрулий дуллуссагу шай. Миннан дулай «Дагьусттан Республикалул лайкь хьусса хлакин» тлссса, ягу «Дагьусттан Республикалул медициналул лайкь хьусса зузала» тлссса хлурматрайсса царду. Жулла районналиягу чансса кьавхьуссар цала оьрму, медициналул, агьалийнал цуллу-сагьшиву дуруччаврил хас бувсса хлакинтал, медициналул зузалт ми бюхттулсса царду ласан лайкь хьусса:

Цланасса члумалгу районналул больницалий хьинну хьхьичлуннай хьунни инсантурал цуллу-сагьшиву дуруччавринсса шартлур. Цлу бувккунни хлакинтурал медиктурал коллектив, шиккун цивпагу, «Земский докторгал» хлсаврайгу зун бувккунсса жагьилсса хлакинтурайну. Умуд бишин хьунссар миннавагу члывумий хьхьичлун ливчун, ялун личинссар сянат ххирасса, ка сававсса хлакинтал хьуншиврий.

Барча хьуннав зул хлакьсса байран кьини медициналул зузалт!

Даклру хьинсса ва

иминсса зузалт

Даклру ххари дулла лисса, кьашайшалал дакл нивун хьинмунинсса умуд бишин буллалисса ди клай, районналул азар ханалул хлаятравусса, отделениярдайсса лазилакьшиву, марцлшиву. Муклрушияра, коронавирусрал эпидемия ппив хьусса шиннардий цинявпагу жула районналияса медициналул зузалтрал дурунни бюхттулсса, багьа бишун кьашайсса кьучагьшиву-ххас сал бунни жува циняв оьсса азардануца хьхьу дакьа кьини дакьа ччаннай бав цлун, цила оьрмурдаягу кавасуну зий. Медициналул зузалтрал кьинилул хьхьичл гьантрай районналул азар ханалул зузалт машхул хьуну зий бия цила буржру биттур булла.

Хирургиялул отделениялул заведующийну зий Махлмаммадов Махлмаммад Махлмаммад-хлабибовичлул зий мукьрахул шинни, цува Махлмаммад ур Дахадаевуллал районналиясса 2014-ку шинал Махлмач кьалалий ДГМУ кьуртал бувну, дурккуну дур ванал гиккура интернатура, 2016-ку шинал 2019 ку шиналнин зий ивкун ур Свердловскаллал областьрай, 2019-ку шинал шинал, «Земский врач», программалий зун увкун ур жула зунттал районналийн. Махлмаммад цувагу бюхьу-хларачат булла зий ур, рязину ур жула райоанналийн учлаврия. Шикку практикалий зий бия жагьилсса медсестра Эфендиева Лаура.

Азарханалул анаварсса кумаграл бригадалулу зий бур медсестрахул Махлмудиева Салихлат, Хласано ва Щюьбанат, Буржунова София.

Анаварсса кумаграл хлакину зий бур Мамаева Шагьанназ цалгу 2008-ку шинал Кулал школагу кьуртал бувну, бувххун бур дуклан ДГМА-лувун ва 2014-ку шинал кьуртал бувну дурккуну дур клира шинал ординатура 2016-ку шинал шинмай зий бур районналул азарханалий хлакин акушер-гинекологну, оьрчл байсса хьаннил отделениялул заведующаяну ва мукунма анаварсса кумаграл хлакину.

Муданмагу кьашайшалал кьюву хьхьара дан

Аьлиева Ахлсаратул 50-хьул шин шавай дур. Миксса шиннардий цими чливитлу хьин кьаувхьунссар Цлийшиял шяравасса дакл хьинсса, кару ттунгьасса Ахлсаратул, хлакьинусса кьинигу буххаву дакьа цила давриву дакл дирхьуну зузисса зузала-цлмилул ссу бур.

Терапиялул отделениялий таклуьвагу чан кьашай цуллушиву цлакь дуллалисса кьашайшалт. Хлакин Буржунов Оьмарил цла дуссар ка сававсса, дакл хьинсса хлакин ушиврий. Шикку дяхтта медсест



хларачатрайсса Шагьанназ Халидовная рязину буссар мунийн бувккунсса кьашайшалт.

Дяхтта цала даврихун машхул хьуну бия анаварсса кумаграл медсестра Махлмудиева Салихлат. Мунил иминсса ихтилатиралва хьин анссия кьашайшала дарув кьабувнува. Учайрхха жува: «Нахлусса ца мукьунувагу хьин шайссар»-куну

Оьрчлал отделениялий хьунмур медсестрану зий

рахьулну зий бур цланасса ппурттуву, Кьурбанова Валентина, Мамаева Мадина. Вайннацлун дяхтта санитар кану зий бур Валиева Суджана.

Старшая сестрану зий бия Абакарова Патгимат, ва санитарка Рамазанова Кьурбанкьиз. На муклруну ура, азарханалийн цуллушиву цлакь дан увкунсса кьашайшала, цила цуллушиву цлакь дурну, медициналул зузалтрай рязину; (Ахир 2-мур лаж.)

Дак 1 ру хъинсса ва иминсса зузалт



(Дайдихъу 1-мур лаж.) барчаллагърай ма хъунмай зана шайшиву. Му бакъарив жула медициналул зузалтрал пахру бан лайкъсса к1ану. Ялун нанисса медициналул зузалтрал кьини луштал барча буллаи циняв

ппагу районналул азарханалул, шархъавусса ФАП-рал зузалт, ч1а учинну жувагу миннал ц1акъсса ц1уллушиву, талих1, тирхханну, дак1ниисса мурадру барт лагаву, ва яла-яла къшай шалтрал чулухасса барчал лагъру чан къшашу!

А.Абдуллаев

Аьрасатнал МВД-лул «Лакский» МО Ч1аважагъилтал буруччаву

Билаят хъхьич1унмай хьитчин бавриву агъамсса к1ану бугълагъиссар жагъилтурал. Билаятрал оьрмулуву хъхьич1унсса гурттушинна дуллаи, хъанахъисса иширттаву х1ала ухлай, дайди хурдал ситгачину хъанай жагъилтураца бюхъайссар цала к1ану бугъан гражданину, цач1ун хъун Аьрасатнал буч1анг1имур шаллу бан ччиминнашала.

Вай масъалартту шаллу баврил хъхьич1унсса к1антту бугълагъиссар билаятрал общественно-политический ишру ца чулий буккан буллалисса ч1умуву.

Ц1анасса жагъилтал гъавас бусса, гъира-шавкъ дусса, итххъавхсса бур ци бунугу хъхьич1 бавц1усса маъсалартту биттур бавриву. Жагъилтуравун шавкъ дагълагъавугу хъанай дур ватанналух цинявнал дак1нихтунусса ччаву душиву.

Балугъравун биян бува ми буруччаву ва миннал ихтияду дуруччаву мурад рай, мукума мюрщими оьрч1ру т1удакъашивуртта вун к1унк1у баврия буруччаву мурадрай, мукума нинуппу кулаграvusса цаймигу инсантал ва миннал ихтияду дуруччаву РД-лул виваллил иширтталсса байсса министерствалул 2022-ку

шинал июнналул 9-нний №1/2852 х1укмулийн буну июнналул 9-нния 19-нин Дагъусттан Республикалий дулланссар «Защита» т1исса оперативно-профилактический даву.

Х1урмат бусса Ксулал районналул агъалий!

Чара бакъа анаварну баян булуvara ва маслих1ат ккаккан кумаг т1алав булуvara Аьрасатнал МВД-лул «Лакский» МО-лул уквасса ва номерда нувух:

8(872)672-42-61, 98-44-93,8-962-775-77-95 ягу зула шяраваллилсса буллалисса участковый уполномоченныйнайн, мукума балугъравун биян бувацца оьрч1алсса буллалисса Аьрасатнал МВД-лул «Лакский» МО-лул инсекторнайн:

-балугъравун биян бува ми т1удакъашиврувун, ягу лайкъ дакъасса давривун

к1унк1у буллалиминная; -балугъравун биян бува миннал ц1уллушиврун зарал биян баврия, оьрч1ал чулухуннай преступление даврия, оьрч1ру нигъал буллалврия, мукума къажимшиврулулусса оьрч1ал ялувгу.

-ч1аважагъилтурал дянив жагъилтурал неформальный ккуранал хъавринсса ишру пив буларча, къабуч1исса экстремист идеология пивдуллаи бухурча.

Мукума зун баян буллаи буру оьрч1ансса вихшалларал телефоннаи **8-800-2000-122**

Тгул дус! Агарда ина оьрмулул нигъант1исса иширахъун иривну ухурча, вища бюхъан т1иссар к1а телефонналувух оьвчин ва маслих1ат ккаккан, кумаг т1алав бан.

Х1акъину жува оьрч1ру ябаврийну гунттий жува паракъатсса дуняллий ялапар хъанант1иссару!

К.М.Макъсудова,
Аьрасатнал МВД-лул «Лакский» МО-лул ПДН-лул инспектор.

М. Аьлилов

Булуннав канмагу лахъисса оьрму

Ва гъи дайди хулул гъелисса зуруй, Шамийлчинмур алх1ат, барча Зул байран! Оьрмув лахъи баннав, зун х1акинтуран, Хайрданийн дукканнав дурсса духхала

Аьвзал заманнайсса Гипократлул хъа, Лягълу жавгъар кунма ябуллаи буру, Дянив Азиянал Авиценнал ц1а Ят1ул мусийх чивчун, лахъ дуллаи буру.

Цур агъалийнаха зий ливч1ун усса, Ца х1акин акъасса х1урматран лайкъсса, Щилли байсса зах1мат шану къалавхъун? Инсаннал ц1уллушиву лайкъну дуруччин.

Ца жанналийгу х1айп къавкуну, «Ят1ул зонардаву» зий бур х1акинтал, Буч1ирхха х1акиннан сагъну унува, Варакърая дурну гъайкал дац1ан дан.

Иминну бурувгсса ц1имилул сеувал, Къювлиий ц1имилийгу рах1ат буккан бай, Рах1атну ках т1исса мунил каруннил, рух дукклаккимагу ц1унил сагъ увай.

Ххув Заннал буллун бур миннал ях1, намус, Чивир-хъун къавкун, ччаннай ац1ан ан, Булуннав канмагу лахъисса оьрму, Агъалийнал ялув зах1мат буллансса.

Тгул щаву рах1ат дурна

Курт1сса щаву оь лиц1лай, Чурххал х1ал лавсун бия, Ттуйна нава увк1укун, Х1акин душнин я шуна.

Усттарну бинтгу кавну, Душнил щаву дарх1уна, Тти хъин хъанахъу куну, Иминну бурувгуна.

Душнил бувсса даруврал. Тгул щаву рах1ат дурна Амма лух1и яруннал Къюк1гу ларсун лавгуна. (вай мукъурттил заллу цамари)

Ппухълуннал аьдатру дуручлай

Июнь зурул 11-нний Ч1айннал шяраву т1айла дурккунни «Аьрасатнал Северный Кавказнавусса мюрщи миллатирттал аьдатравун дагъсса буттал буттахъая ирсирай нанисса магъирлугъ дуруччаву», ц1анилусса фестиваль. Фестиваль хас дурну дия дия Аьрасатнал кьинилун. Му кьини районналул шархъавусса магъирлугърал къатрал зузалтрал ккаккан дунни хъхьич1авасса хъат1ив т1айла буккавил мажлисирдай жалин дуцавил аьдатру.

Ш а д л у гъ р а й н бавт1уну бия районналул мюрщи шархъал магъирлугърал къатрал зузалт бакъассагу х1урматрай оьвкун бувк1усса форум рал гурттучитал-Ингу шетиянавасса хъаннил вокалланул группа «Лоаман аз».

Ссят ац1ра хъувкун Ч1айннал шяраваллил магъирлугърал къатрац1ан бат1лан бивк1уна шяравусса мюрщими ва хъу ними.

Ми лавххун бия хъхьич1арасса буттахъал зумунусса яннарду: чиллучухъри, къутта къяпри, чакмарду, хъамидушварай дия цимирагу шиннардил хъхьич1арасса, буттукьирттаву ядуллаи (Ахир 4-мур лаж.)



